

Raed Ok Cihvunz Ronghsag Gyaeundei

剪出斑斓的精彩人生

——Geiq Bouxswncienz Gij Dinfwngz Raed Ceij Mulajucz Loz Vazcingh

□ Vuz Meijginz raiz Dahdingz hoiz

Gij yisuz raed ceij dwg gij hong fwnzguh conzduj ndawbiengz Cunghvaz minzcuz, de goek gyae rag raez, naihnanz mbouj doekbaih, dwg gij dinfwngz daegbied dijbaui yisuz ndawbiengz Cungguk, gaenq bienq-baenz gij dinfwngz dijbaui yo youq ndaw aencang yisuz seiqgyaiq. Gij yiengh yisuz caensaed, lumj caen mizyinx de, miz gij rengsupyinx yisuz daegbied. Loz Vazcingh bouxswncienz gij dinfwngz raed ceij Mulajucz Lozcwngz Mulajucz Swciyen neix couh dwg yungh song faj fwnz riengjret, fag geuz ndeu caeuq geij mbaw ceij, raed ok cihvunz ronghsag gyaeundei lo.

Byaij haeu aenranz guhhong dinfwngz raed ceij Loz Vazcingh bouxswncienz gij dinfwngz raed ceij Mulajucz neix, couh yawjraen de ciuq beijaeh baeb ndei ceijnding, siujsim gaem hwnj faggeuz hainduj raed. De gig nyinhcaen, fwnz riengjret, ngamq yaep ndeu, mbaw doz gyaeundei yungh ceij raed okdaeu ndeu couh baenz lo. Loz Vazcingh bineix ndaej 48 bi, de doq guhhong doq lwnh gij gojgaeq de caeuq raed ceij hawj gou dingq.

Loz Vazcingh naeuz, gij dinfwngz raed ceij Mulajucz dwg mbanjbya Mulaj cungj hingz sik biujyienh vwnzva ndeu, miz daegsaek minzcuz naekna. Gij lizsij dinfwngz raed ceij ndawbiengz Mulajucz gyaenanz, funggek daegbied, ceiq caeux youq Dangzcauz couh miz lo, ginggvaq Sungdai, Yenzcauz, seiz ceiq hwng-hoengh dwg youq Mingzcauz, Cingh-cauz, daengz seizneix gaenq miz baenz cien bi lizsij. Gij ceijraed ndawbiengz Mulajucz miz daengngoenz, rongh-ndwen, roegfunghvuengz, duzmbaj, caeuq va nywj faex doenghgij doz hamzmiz gij eiqsei mizfuk habhoz neix, gij doz siuq youq gwnz aennda dex lwnyez haenx, cungj dwg yungh ceij raed baenz yiengh gonq liux cij siuq baenz. Gij ceijraed Mulajucz ndaej baen baenz seiq loh: Loh daih'it dwg yungh daeu nem, lumjbaenz cigciep nem hwnj gwnz fajdou aencueng, bangxciengz, daeng'va, saiva bae, hawj doenghgij neix bienq ndei yawj; loh daihngieih dwg yungh daeu baij daengh, lumjbaenz yungh daeu dap doxgaiq soengq vunz, gyaqcaeng, huqcaeq, huqgung; loh daihsam dwg yungh daeu guh gij daej siuq, lumjbaenz daej siuq ndangdaenj, haiz mauh, aennda, aenswiz, soujgaen doenghgij doxgaiq neix; loh daihseiq dwg yungh daeu yaenq nyumx, hix couh dwg yungh daeu guh gij vunqyaenq baengzva yaenq o, lumj-baenz yungh youq gwnz baengz guh buhvaq, najdenz, yiemzdou, omj doenghgij doxgaiq neix.



▲Loz Vazcingh guhyiengh raed ceij.

Loz Vazcingh youq aen yienh neix Swbaj Cin Swhbingz Cunh Mbanjsiujyinj ranz Mulajucz seiq-daih raed ceij ndeu okseng, ranz neix daj geij daih gaxgonq couh hainduj gig caixhangz gij dinfwngz raed ceij, veh doz, youq doengh aen mbanj henz-gyawj gig okmingz, daengx ranz vunz baengh gij dinfwngz neix gwndaenj.

Faenh dinfwngz neix daihdaih doxcienz, daengz Loz Vazcingh gaenq dwg daih daihseiq lo. De dauqngex naeuz, doenghbaez gij nda fwnzguh ranz de cien roengzdaeu haenx gai ndaej gig ndei, cungj nda neix doenggvaq gij ceijraed giujmiuq siuq guh baenz, gyaqciq dangqmaz, youq dangdieg gig okmingz. Moix bi sam nyied sam, bakdou ranz de couh miz baenz gyoengq baenz gyoengq vunz mbanj henzgyawj daeu baizdoih cawx nda, raezrangrang daj bakdou ranz itcig baiz bae daengz byai hongh, vunzlai cungj aenvih cawx ndaej gij nda ranz de guh haenx roxnyinh miznaj. Seizgan gvaqbae, haujlai yiengh cungj bienq lo, riengz seizdaih hwngfat, gij sibgvenq ndwenngoenz vunzlai hix bienq ndaej gig hung, raed ceij cungj dinfwngz neix hix caeuq gij dinfwngz conzduj wnq doxlumj bienq ndaej mbouj hwng geijlai lo. Daengz Loz Vazcingh daih neix, dan baengh raed ceij cungj dinfwngz neix gaenq dingj mbouj ndaej daengx ranz vunz gwndaenj. Daxmeh bi'ndwen geq lo, Loz Vazcingh youh bae Liujcouh guh seng'eiq ra cienz daeu gvaq ndwenngoenz, bakdou ranz gaenq mbouj miz baenz gyoengq baenz gyoengq vunz daeu baizdoih cawx nda, cungj dinfwngz raed ceij Mulajucz daegbied neix hix couh yaek mbouj miz vunz swncienz lo.

Swncienz cungj dinfwngz neix caemhcai hawj de hwnghoengh hwnjdaeu dwg gij simmuengh

cihvunz daxmeh Loz Vazcingh. Bi 2012, daxmeh de bingh naek, seiz yaek laepda daegdaengq daengq Loz Vazcingh, maqmuengh de mboujlwnh geijlai dwgrengz, cungj au henmaenh cungj dinfwngz neix, daihdaih swncienz roengzbae. Loz Vazcingh doek raemxda ei lo. Bi 2013, de mbouj guh gij seng'eiq youq Liujcouh haenx le, mbouj yaemhywx saekdi dauqma daengz mbanjranz, swncienz gij dinfwngz raed ceij. Vih engq ndei bae swncienz caeuq hawj cungj dinfwngz raed ceij daegbied neix hwnghoengh hwnjdaeu, Loz Vazcingh seiqlengq hagsib, laemxsim nyinhcaen yenzgiu, mboujduenh caezcienz caeuq gaijndei gij dinfwngz raed ceij bonjfaenh. Aenvih mbouj bae ra cienz, gij cienz rom haujlai bi haenx mbouj geijlai nanz couh yungh yaek liux lo, youq mwh ceiq hoj, de engqlij dajsuenq byaij hwnj gyaeu gai bae raed ceij, veh yiengh hawj vunz ra cienz ciengx bakhoz.

Gij genhciz caeuq ceiok Loz Vazcingh dauqdaej mbouj dwg guh daengxndwi. Seizhaenx ngamj bungz Lozcwngz Mulajucz Swciyen laeb-baenz 30 hopbi, Lozcwngz Yenveij, Yen Cwngfuj daegbied vih cangh-dinfwngz ndawbiengz lumj Loz Vazcingh yienghneix daphwnj le aen bingzdaiz langhbaij ndeu. Gij cozbij ceijraed Loz Vazcingh langhbaij haenx lai cungj lai yiengh, cau'eiq daegbied, neihanx fungfouq, giujmiuq yungz gij yiengh gij heiqsei fanhfaed haeu ndaw cozbij bae, hawj vunz sim maez, hawj vunz haeuyinx, hix yinx ndaej vwnzva bumwnz yawjnaek. Dangiveij senhconzbu dangdieg haengrengz bae senhconz, vwnzva bumwnz ok aenranz guhhong raed ceij hawj de mbouj au cienz, haeu-coengh de vatcimh caeuq swncienz gij dinfwngz raed ceij Mulajucz.

Miz gij cwngcwz ndei aendangj



▲Loz Vazcingh son hagseng raed ceij.

bangfuz le, gij saehnieb Loz Vazcingh ngoenz hoengh gvaq ngoenz. Gij cozbij ceijraed de 《Feihyiz Mulajucz》 aeundaej aen ciengigim “Bazgvei Denhgung Ciengj” gunghy meijsuz cozbij Guengjsae daengj lai aen ciengj, doenghgij cozbij 《Mbawdoz Bak Duz Yiengz》《Mbawdoz Bak Duz Lingz》de cau guh haenx youq gwnz 《Gvanghmingz Yizbau》《Cungguk Nungminz Bau》《Guengjsae Yizbau》doengh aen baughan neix, caeuq gwnz muengx meizdij fatbiuj.

Cawz bonjfaenh gaenx cau guh le, Loz Vazcingh lij byaij haeu hagdangz bae son gij dinfwngz raed ceij Mulajucz dem. Bi 2016 ndwen 4 ngoenz 26, Loz Vazcingh daeujaengz Hozciz Si Cizey Gyauyuz Cungsim Hagdangz, son gij dinfwngz raed ceij hawj gyoengq hagseng. Ngoenzhaenx, Loz Vazcingh au 《Feihyiz Mulajucz》gij cozbij ceijraed aeundaej aen ciengigim “Bazgvei Denhgung Ciengj” neix langhbaij hawj gyoengq hagseng yawj, gyoengq doengzhag yawj le cungj haenhnyauznauz, gikfat le gij yinxdaeu naekna gyoengq hagseng hag gij dinfwngz raed ceij. Loz Vazcingh daj raed cihsaw, raed doenghduz doenghgij giekdaj neix hainduj, ciuq bouhloh menhmenh son hagseng hag gij dinfwngz raed ceij.

Raebalang gij dinfwngz raed ceij Mulajucz ndaej haengrengz swncienz caeuq fatyiengz, dwg Lozcwngz Mulajucz Swciyen Dangveij, Cwng-fuj gig yawjnaek baujhoh vwnzva Mulajucz. Aen yienh neix saedhengz le vwnzva, feihyiz vwnzva yihfan Mulajucz, vwnzva ndangdaenj, vwnzva ranzmbanj doenghgij gunghcwngz “cib cungj vwnzva hung” neix, cungfaen vatcimh canghdinfwngz ndawbiengz Mulajucz, henmaenh gij goekmeg vwnzva minzcuz, coicaenh vwnzva hwngfat hoenghvuengh.